





鴻苞集卷之十五

明東海屠隆緯真著

西吳茅元儀公選訂

閔國珍聘之校

義士傳序

昔人云子源天下義士後世負氣義慷慨男子或
感觸時事身丁患難往往攘臂褰裳願與臧洪遊
于地下余每讀書至此私心壯之至爲酸鼻拭淚
焉世道之交喪也平居握手論心動指皎日盟白

水一朝炎涼異候盛衰殊景心撼于利害情變于
存亡轉眼胡粵掉臂路人甚或擠人自脫賣友取
利操戈而下之石也臧洪家犬寧食其餘乎作義
士傳或云龍逢比干之屬天下大忠忠義一道子
棄而不錄何故曰君臣大義等于天地忠臣彪炳
爛于日星史傳所載斑斑矣余此采輯獨爲義士
標表存友朋一倫耳雖然氣義男子寧有輸心友
朋而不抗節君父者此非矯飾良本天性蘭香桂
辛豈有擇而改乎

左儒

周宣王將殺其臣杜伯而非其罪伯之友左儒爭之於王九復之而王不許王曰汝別君而異友也儒曰君道友逆則順君以誅友友道君逆則順友以違君王怒曰易而言則生不易則死儒曰士不枉義以從死不易言以求生王殺杜伯左儒死之

其思革子

其思革子與石文子叔愆子三人同詣楚王道逢
饑餒不能俱活二子推衣糧與革子而死革子見
楚王楚王旨酒佳殽享以鐘鼓革子愀然憂悲王
問之革子語以故王義革子賜黃金百斤命收葬
二子拜革子爲相橋下襄子至橋馬驚索之得豫
讓讓曰今日之事臣固伏誅然願請君之衣而擊
之焉以致報仇之意襄子使持衣與讓讓拔劍三
躍而擊之曰吾可以下報智伯矣遂伏劍自殺

二千我革子爲昧

問之革子請以姑王義革子賜黃金百斤命外華
焚王焚王旨所封爵享以輿楚革子州然憂悲王
猶猶不謂其言二千卦示蠱與革子而取革子昆
其思革子與以文子妹穆子三人同請焚王首發
其思革子

豫讓

趙襄子殺智伯伯之臣豫讓欲爲之報仇乃詐爲
刑人挾匕首入襄子宮中塗廁襄子如廁心動索
之獲豫讓襄子曰智伯亡後而其臣欲爲報仇此
天下之賢人也卒釋去之讓又漆身爲厲吞炭爲
啞襄子出讓伏于橋下襄子至橋馬驚索之得豫
讓讓曰今日之事臣固伏誅然願請君之衣而擊
之焉以致報仇之意襄子使持衣與讓讓拔劍三
躍而擊之曰吾可以下報智伯矣遂伏劍自殺

青筭

趙襄子遊于囿中過橋馬却不肯進青筭爲驂乘
襄子命視橋下類有人青筭見豫讓伏橋下叱曰
去長者且有事青筭曰吾與子爲友賣友不義不
告其君不忠惟有死耳乃退而自殺

張胥鄙

吳有士曰張胥鄙譚夫吾前交而後絕胥鄙有罪
拘將死夫吾合徒而取之出至于道乃知其夫吾
也輒行而辭曰義不同于子故前交而後絕吾聞
君子不爲危易行今吾從子是安則肆志危則易
行也與吾因子而生不若反拘而死闔閭聞之令
釋之張胥鄙曰吾義不同于夫吾故不受其任矣
今出我以夫吾故也吾庸受之乎遂觸牆而死譚
夫吾聞之曰任而不受佞也不知而出之愚也佞

不可以按士愚不可以事君吾行虛矣寧立于世
乎遂絕頸而死

虞卿

秦昭王聞魏齊在平原君所欲爲范雎必報其仇
乃遺趙王書曰王使人疾持其頭來趙孝成王發
卒圍平原君家急魏齊夜亡見趙相虞卿虞卿度
趙王終不可說乃解其相印與齊偕亡走大梁

貫高

上過趙趙王張敖執子壻禮甚卑上箕踞慢罵之
趙相貫高趙午皆怒上過柏人貫高等壁人於廁
中上欲宿心動而去高怨家知其謀上變告之於
是逮捕趙王敖及諸反者詔敢從者族趙午等皆
自刎貫高獨怒罵曰公等皆死誰白王不反者乃
檻車膠致長安對獄曰獨吾屬爲之王實不知廷
尉以聞上賢而赦之高曰所以不死者白王不反
也今王已出吾責已塞死不恨矣遂絕亢死

樂布

漢殺彭越夷三族梟首洛陽下詔收眎者捕之梁
大夫樂布使于齊還奏事頭下祠而哭之吏捕以
聞上欲烹之布曰方上之困彭城敗滎陽也王與
楚則漢破與漢則楚破天下已定而陛下以苛小
案誅滅之臣恐功臣人人自危也今彭王已死臣
生不如死請就烹上乃釋布拜爲都尉

案新刻之臣

焚燬莫如與莫如焚燬天下之寶而望不以昔小

開土裕京之亦曰大土之困遠地規樂賜也王與

大夫樂亦對下齊毀奏事顛不師而哭之吏辭以

焚燬遠地吏三焚泉首谷賜不陪外祖音辭之樂

樂亦

灌夫

孝景時竇嬰爲大將軍田蚡乃爲諸郎已而蚡益
貴幸嬰失勢賓客益衰獨潁陰灌夫不去

任安

霍去病擊匈奴還爲大司馬衛青日退而去病日
益貴青故人門下士多去事去病輒得官爵惟任
安不去

孔車

主父偃方貴幸時賓客以千數及其族死無一人收者惟獨浹孔車收葬之天子後聞之以爲孔車長者也

張酺

竇憲既誅其弟篤景瓌皆迫令自殺初河南尹張
酺數以正法繩景至是上疏曰方憲等貴寵羣臣
阿附惟恐不及今嚴威既行皆言當死臣伏見夏
陽侯瓌每檢敕賓客未嘗犯法臣聞王政骨肉之
刑有三宥之議過厚不過薄宜加貸宥以崇厚德
帝感其言由是瓌得獨全

云敞

云敞字幼孺事師同縣吳章章治尚書爲博士漢平帝以中山王卽帝位年幼王莽秉政自號安漢公以平帝爲成帝後不得顧私親帝母及外家衛氏皆畱中山不得至京師莽長子宇非莽鬲絕衛氏恐帝長大後見怨宇與吳章謀夜以血塗莽第門若鬼神之戒冀以懼莽章欲因對其咎事發覺莽殺宇誅滅衛氏謀所連及死者百餘人章坐腰斬磔死東市門初章爲當世名儒教授尤盛弟子

千餘人葬以爲惡人黨禁錮不得仕宦門人盡更名他師敞時爲大司徒掾自効吳章弟子收抱章屍歸棺歛葬之京師稱焉車騎將軍王舜高其志節比之樂布表奏以爲掾

劉茂

劉茂字子衛光武時爲太原郡門下掾時赤眉二十餘萬衆攻郡縣殺長吏及府掾史茂負太守孫福踰牆藏空穴中得免其暮俱奔孟縣晝則逃隱夜求糧食積百餘日賊去乃得歸府明年詔書求天下義士福言之於朝詔書卽徵茂拜議郎

劉文饒

史稱劉文饒寬寬洪有大度常行有人失牛乃就寬車中認之寬無言解駕牛與之步歸頃認者得牛而送還慙懼文饒謝遣之爲南陽太守用蒲鞭示辱而已爲太尉夫人欲試公量五鼓入朝令婢以羹汚公朝衣公都無恙意但徐曰羹爛汝手耶有客來詣寬寬遣奴市菜醉還又不得菜公乃罵之爲畜產須臾遣人視奴疑恐自殺曰此是人而罵爲畜產爲辱孰甚故吾懼其死耳余每覽公長

者狀自顧猶存褊心慙愧欲死以爲公真天人也
及讀真誥始知文饒受度青谷先生得僊在華陽
洞作童初府上帥主始學道者爲之一快剛褊燥
急害道不淺戒之慎之

人有氣質褊急而心無伎刻有外貌和雅而中實
險傾外和中險狐蜮等耳此豈可亦謂之長者乎
器度寬舒心術仁厚其爲君子何疑觀文饒寬中
卒證大道魏陽元稱天下長者遂生南真領衡嶽
三教中斷無褊急之聖賢明矣寬窄恕刻俱得之

稟氣然亦可以矯揉陶鎔安于佩弦西門佩韋古
人知此矣

人之褊急有絕可笑者王述名士觀其食鷄子事
非復人情近代士人勑左右逐蠅一節大堪捧腹
其母與一戒板令戒暴怒怒發輒以戒板擊人褊
心難除如此哉余貽李維貞書自敘治怒心力良
苦數年之後始就調和乃今庶能忍辱矣然猶覺
稍費照管御下之時照管一或不到便微發煙火
急撲之卽滅有撲有滅是知根猶未芟也

周嘉

周嘉字惠文仕汝南郡爲主簿王莽末羣賊入汝陽城嘉從太守何敞討賊敞爲流矢所中郡兵奔北賊圍繞數十重白刃交集嘉乃擁敞以身扞之因訶賊曰卿曹乃人隸也爲賊旣逆豈有還害其君者嘉請以死贖君命因仰天號泣羣賊於是兩兩相規曰此義士也給其車馬遣送之後太守寇恂舉爲孝廉拜尚書侍郎光武引見問以遭難之事嘉對曰太守被傷命懸冠手臣寔驚怯不能死

難帝曰此長者也

禮震

禮震平原人光武時師事歐陽歛歛爲汝南太守
在郡教授數百人徵爲大司徒坐在汝南賊罪千
萬餘發覺下獄諸生守闕爲歛求哀者千餘人至
自髡剔者震年十七聞獄當斷馳之京師行到河
內獲嘉自繫上書求代歛死曰伏見臣師大司徒
歐陽歛以賊咎當伏重辜歛門弟子幼未能傳學
身死之後永爲廢絕上令陛下獲殺賢之譏下使
學者喪師資之益乞殺臣身以代歛命書奏而歛

已死獄中歛椽陳元上書追訟之言甚切至帝乃
賜棺木贈印綬賻縑三千疋

楊政

楊政字子行光武時代郡范升受梁丘易後范升
爲出婦所告坐繫獄政乃肉袒以箭貫耳抱升子
潛伏道傍候車駕而持章叩頭曰范升三娶惟有
一子今適三歲孤立可哀武騎虎賁懼驚乘輿舉
弓射之猶不肯去旄頭又以戟叉政傷脅猶不退
哀泣辭請有感帝心詔曰乞楊生師卽出升政由
是顯名

李善

李善字次孫本同縣李元蒼頭也建武中疫疾元家相繼死歿惟孤兒續始生數旬而貲財千萬諸奴婢私共計議欲謀殺續分其財產善深傷李氏而力不能制乃潛負續逃亡隱山陽瑕丘界中親自哺養乳爲生漚推燥居濕備嘗艱勤續雖在孩抱奉之不異長君有事輒長跪請白然後行之閭里感其行皆相率修義續年十歲善與歸本縣修理舊業告奴婢于長吏悉收殺之時鍾離意爲瑕

丘令上書薦善行狀光武詔拜善及續並爲太子
舍人善顯宗時辟公府以能理劇再遷日南太守
從京師之官道經涪陽過李元家家未至一里乃
脫朝服持鉏去草乃拜墓哭泣甚哀身自炊爨執
鼎俎以修祭祀垂泣曰君夫人善在此盡哀數日
乃去到官以愛惠爲政懷來異俗遷九江太守至
道病卒

鄭弘

鄭弘字巨君師同郡河東太守焦贛楚王反發覺以疏引贛贛被收捕疾病於道亾沒妻子皆繫詔獄掠考連年諸生故人懼相連及皆改變名姓以逃其禍弘獨髡頭負鉄鎖詣闕上章爲贛訟罪明帝覺悟卽赦其家屬弘躬送贛喪及妻子還鄉里由是顯名

朱寵

鄧騭自殺大司農朱寵痛騭無罪乃肉袒輿觀上
疏謂宜收還冢次樹立遺孤奉承血祀以謝下靈
因自致廷尉帝意頗悟乃還葬騭等兄弟皆得歸
京師

陸績

楚王英以謀逆連及太守尹興陸績時爲尹興掾
逮者備受五毒肌肉消爛終無異詞

廉范

廉范字叔度請召皆不應明帝永平初隴西太守
鄧融備禮謁范爲功曹會融爲州所舉范知事譴
難解欲以權相濟乃託病求去融不達其意大恨
之范乃東至洛陽變姓名求代廷尉獄卒未幾融
果下獄范遂得衛侍左右盡心勤勞融怪其貌類
范而殊不意乃謂曰卿何是我故功曹邪范訶之
曰君困阨脅亂邪語遂絕融繫出因病范隨而養
視及死竟不言身自將車送喪致南陽葬畢乃去

後辟公府會薛漢坐楚王事誅故人門生莫敢視
范獨往收歛之吏以聞帝大怒召范入詰責曰薛
漢與楚王同謀反亂天下汝不與朝廷同心而反
收歛罪人何也范叩頭曰臣無狀以爲漢等皆已
伏誅不勝師友之情罪當萬死帝怒稍解問范曰
卿廉頗後邪與右將軍裒大司馬丹有親屬乎范
曰裒臣之曾祖丹臣之祖也帝曰怪卿志膽敢爾
貫之由是顯名

樓護

樓護有故人呂公無子歸護護身與呂公妻與呂
媼同食及護家居妻子頗厭呂公護聞之流涕責
其妻子曰呂公以故舊窮老託身于我義所當奉
遂養呂公終身

繆彤

繆彤字豫公汝南邵陵人也和帝時仕縣爲主簿
時縣令被章見考吏皆畏懼自誣而彤獨證據其
事掠考苦毒至乃體生蟲蛆因復傳換五獄踰涉
四年令卒以自免太守隴西梁湛召爲決曹史湛
病卒官彤送喪還隴西始葬會西羌反叛湛妻子
悉避亂它郡彤獨留不去爲起墳塚乃潛穿井旁
以爲窟室晝則隱竄夜則負土及賊平而墳已立
其妻子意彤已死還見大驚關西咸稱傳之共給

車馬衣資彤不受而歸

孫斌

孫斌桓帝時爲衛相門下掾初第五種以糾發中
常侍單超兄子匡姦賊并劾超超積懷忿恨遂以
事陷種竟坐徙朔方超外孫董援爲朔方太守蓄
怒以待之種始爲衛相以斌賢善遇之及當徙斥
斌具聞超謀乃謂其友人閭子直及甄子然曰第
五使君當投裔土而單超外屬爲彼郡守夫危者
易仆可爲寒心吾今方追使君庶免其難若奉使
君以還將以付子二人曰子其行矣是吾心也於

是斌將俠客晨夜追種及之於太原遮險格殺送
吏因下馬與種斌自步從一日一夜行四百餘里
遂得脫歸

景毅

景毅桓帝時爲侍御史子顧爲李膺門徒膺以鉤
黨收捕而顧未有錄牒故不及於譴毅乃慨然曰
本謂膺賢遣子師之豈可以漏奪名籍苟安而已
遂自表免歸時人義之

三祖

卷之十五

八

三

八

權

子

筆

馬

頭

滿

人

子

石

人

流

蕭水亦而通木

天

子

風

李膺

李膺字元禮桓帝時遭黨事當考實膺等按經三府太尉陳蕃却之曰今所考按皆海內人譽憂國忠公之臣此等猶將十世宥也豈有罪名不章而致掠者乎不肯平署帝愈怒遂下膺等於黃門北寺獄膺等頗引宦官子弟宦官多懼請帝以天時宜赦於是大赦天下膺免歸鄉里居陽城山中天士大夫皆高尚其道而汙穢朝廷及陳蕃免太尉朝野屬意於膺帝崩陳蕃竇武共秉朝政連謀

誅諸宦官故引用天下名士乃以膺爲長樂少府
及陳竇之敗膺等復廢後張儉事起收捕鉤黨鄉
人謂膺曰可去矣對曰士不辭難罪不逃刑臣之
節也吾年已六十死生有命去將安之乃詣詔獄
考死妻子徙邊門生故吏及其父兄並被禁

郭亮董班楊匡

梁冀旣殺李固杜喬梟固喬尸令有敢臨者加其
罪固弟子郭亮未冠左提章鉞右秉斧鑕詣闕上
書乞收李固尸不報與董班俱往臨哭不去喬故
椁陳留楊匡號泣星行至洛著故赤幘託爲夏門
亭吏守護尸喪積十二日詣闕上書並乞二公骸
骨太后許之匡送喬喪還家葬訖遂與亮班皆隱
匿終身不仕

王成

初李固知不免遣子基茲爕歸鄉里爕年十二姊
文姬爲同郡趙伯英妻密與二兄謀豫匿爕託言
還京師人不之覺有頃難作州郡收茲基皆死獄
中文姬乃告父門生王成曰君執義先公有古人
之節今委君以六尺之孤李氏存滅其在君矣成
乃將爕乘江東下入徐州界變姓名爲酒家傭而
成賣卜于市各爲異人陰相往來積十餘年梁冀
旣誅爕乃還鄉里追行喪服姊弟相見悲感傍人

清人與八旗諸將出塞可分兩路以禦其鋒人
入邊者于市會商與人交即往來邊于領事署
以議其來者亦不人翁以界外邊界為界而
以今其謀以六人主其謀其謀其謀其謀其
中不無以貴文門主其謀其謀其謀其謀其
難其謀人不之學其謀其謀其謀其謀其
文其謀其謀其謀其謀其謀其謀其謀其
其謀其謀其謀其謀其謀其謀其謀其
其謀其謀其謀其謀其謀其謀其謀其

朱震胡騰張敞

曹節旣殺陳蕃竇武梟首都亭收捕宗親賓客悉
誅之蕃友朱震收葬蕃尸匿其子逸事覺繫獄震
受考掠誓死不言逸由是得免武祿胡騰歛武尸
行喪亦坐禁錮武孫輔年二歲詐以爲已子與令
史張敞共匿之亦得免

其國之木野

其國之木野

其國之木野

其國之木野

其國之木野

孫賓碩

趙岐桓帝時爲皮氏長聞有家禍因從官舍逃走之河間變姓字又轉詣北海著絮巾布袴常於市中販胡餅孫賓碩時年二十餘乘犢車將騎入市觀見趙岐疑其非常人也因問之曰自有餅邪販之邪岐曰販之賓碩曰買幾錢賣幾錢岐曰買三十賣亦三十賓碩曰視處士之望非似賣餅者殆有故乃開車後戶顧所將兩騎令下馬扶上之其時岐以爲是唐氏耳目也甚怖面失色賓碩開車

後戶下前檐謂之曰視處士狀貌旣非販餅者如今面色變動卽不有重恐則當亡命我北海孫賓顧也闔門百口又有百歲老母在堂勢能相度者也終不相負必語我以實岐乃具告之賓顧遂載岐驅歸住車門外先入白母言今日出得死友在外當來入拜乃出延岐入椎牛醢酒快相娛樂一二日因載著別田舍藏置複壁中後數歲唐衡及第皆死岐乃得出還本郡三府並辟展轉仕進至郡守刺史太尉僕而賓顧亦從此顯名於東國仕

至豫州刺史初平末賓碩以東方饑荒南客荊州
至興平中趙岐以太尉持節使安慰天下南請荊
州乃復與賓碩相遇相對流涕岐爲劉表陳其本
末由是益禮賓碩頃之賓碩病亡岐在爲行喪也

巴肅

巴肅字恭祖辟公府稍遷拜議郎靈帝時與竇武
陳蕃等謀誅閹官武等遇害肅亦坐黨禁錮中常
侍曹節後聞其謀收之肅自載詣縣縣令見肅入
閣解印綬與俱去肅曰爲人臣者有謀不敢隱有
罪不逃刑不隱其謀矣又敢逃其刑乎遂被害刺
史賈琮刊石立名以記之

公孫瓚

公孫瓚字伯珪靈帝時舉上計吏太守劉君坐事
檻車徵官法不聽吏下親近瓚乃改服詐稱侍卒
身執徒養御車到洛陽太守當徙日南瓚具豚酒
於北芒上祭辭先人酹觴祝曰昔爲人子今爲人
臣當詣日南日南多瘴氣恐或不還便當長辭瓚
坐慷慨悲泣再拜而去觀者莫不歎息旣行於道
得赦還

申屠蟠

申屠蟠字子龍靈帝時隱居精學博貫五經兼明
圖緯始與濟陰王子居同在太學子居臨歿以身
托蟠乃躬推輦車送喪歸鄉里遇司隸從事於河
輦之間從事義之爲封傳護送蟠不肯受投傳於
地而去

朱儁

朱儁字公偉會稽上虞人也爲縣門下書佐好義輕財漢靈帝時本縣長山陽度尚薦儁于太守尹端以朱儁爲主簿端坐討賊許昭失利爲州所奏罪應棄市儁乃羸服間行徑齎數百金到京師賂主章吏遂得刊定州奏故端得輸作左校端喜於降免而不知其由儁亦終無所言

大正七年九月十五日

東京市立博物館

東京市立博物館

東京市立博物館

東京市立博物館

東京市立博物館

孔融

孔融字文舉年十六時山陽張儉爲中常侍侯覽所怨覽爲刊章于州郡以名捕儉儉與孔融兄褒有舊亡抵于褒不遇儉見融少之而不告融見其有窘色謂曰兄雖在外吾獨不能爲君主邪因畱舍之後事泄相國以下密就掩捕儉得脫走遂并收褒融送獄二人未知所坐融曰保納舍藏者融也當坐之褒曰彼來求我非弟之過請甘其罪吏問其母母曰家事任長妾當其辜一門爭死郡縣

疑不能決乃上讞之詔書竟坐襃焉獻帝時拜融
爲北海太守曹操以楊太尉彪與袁術婚將誣以
同逆孔融聞之不及朝服往見操曰楊公四世清
德海內所瞻周書父子兄弟罪不相及況以袁氏
歸罪楊公易稱積善餘慶徒欺人耳操云此國家
之意融曰假使成王殺召公周公可得言不知邪
今纓綬縉紳瞻仰明公者以公聰明仁智輔相漢
朝今橫殺無辜則海內觀瞻誰不解體孔融魯國
男子明日便當拂衣而去不復朝矣

趙戢

李淮旣殺王允屍允于市莫敢收者故吏趙戢棄
官收葬之

尾敦

公孫瓚誣劉虞與袁紹等謀稱尊號斬虞及妻子
於薊市傳首京師故吏尾敦于路刼歸葬之

田疇

田疇字子春好讀書擊劍董卓遷獻帝于長安幽州牧劉虞嘆曰身備宗室遺老不得自同于衆今欲奉使展效臣節安得不辱命之士乎衆議舉疇時年二十二矣虞署爲從事疇乃歸自選家客與年少之勇壯募從者二十騎俱往乃間行至長安致命詔拜騎都尉固辭不受朝廷尚其義三府並辟皆不就得報馳還未至虞已爲公孫瓚所害疇至謁祭虞墓陳發章表哭泣而去瓚聞之大怒購

求獲疇謂曰汝何自哭劉虞墓而不送章報我疇
荅曰漢室衰頹人懷異心唯劉公不失忠節章報
所言於將軍未美恐非所樂聞故不進也且將軍
方舉大事以求所欲旣滅無罪之君又讎守義之
臣誠行此事則燕趙之士將皆蹈東海而死耳豈
忍有從將軍者乎瓚壯其對釋不誅也拘之軍下
禁其故人莫得與通或說瓚曰田疇義士君弗能
禮而又囚之恐失衆心瓚乃縱遣疇疇得北歸率
舉宗族他附從數百人掃地而盟曰君仇不報吾

不可立於世遂入徐無山中百姓歸之至五千餘
家袁紹及子尚皆辟之不就曹操征烏丸疇進計
討破烏丸欲封疇疇不受遼東斬送袁尚首於操
操令敢哭者斬疇往吊祭操亦不問

臧洪陳容

張超在雍丘曹操圍之急超曰惟臧洪當來救我
洪時爲東郡太守徒跣號泣從袁紹請兵將赴其
難紹不從雍丘遂潰超自殺洪由是怨紹絕不與
通紹興兵圍之城陷生執洪謂曰今日服未洪曰
洪力劣不能爲天下報仇何謂服乎紹殺之洪邑
人陳容少親慕洪時在紹坐起謂紹曰將軍舉大
事欲爲天下除暴而先誅忠義豈合天意紹慙使
人牽出謂曰汝非臧洪儔空復爾爲容曰仁義豈

有常蹈之則君子背之則小人今日寧爲臧洪同
日死不願與將軍同日生也遂復見殺在坐無不
嘆息竊相謂曰如何一日殺二烈士

王脩

王脩字叔治漢獻帝時袁譚在青州辟脩爲治中從事別駕劉獻數毀短脩後獻以事當死脩理之得免時人益以此多焉曹操攻譚於南皮脩時運糧在樂安聞譚急將所領兵及諸從事數十人往赴譚至高密聞譚死下馬號哭曰無君焉歸遂詣操乞收葬譚屍操欲觀脩意故默然不應脩復曰受袁氏厚恩若得收歛譚屍然後就戮無所恨操嘉其義聽之

龐涓

龐涓字子異漢獻帝時初以涼州從事守破羌長
會武威太守張猛反殺刺史邯鄲商猛令曰敢有
臨商喪死不赦涓聞之棄官晝夜奔走號哭喪所
託詣猛門裹七首欲因見以殺猛猛知其義士勅
遣不殺由是以忠烈聞太守徐楫請爲主簿後郡
人黃昂反圍城涓棄妻子夜踰城出圍告急於張
掖燉煌二郡初疑未肯發兵涓欲伏劍二郡感其
義遂爲興兵軍未至而郡城已陷楫死涓乃收斂

楫喪送還本郡行服三年乃還曹操聞之辟爲掾屬

孫禮

孫禮字德達後漢獻帝時初喪亂禮與母相失同
郡烏台求得禮母禮推家財盡以與台台後坐法
當死禮私導令踰獄自首旣而曰臣無逃亡之義
徑詣刺奸主簿溫恢恢嘉之具白曹操各減死一
等

孫瑾張逸張瓚

劉虞獻帝時爲幽州牧被公孫瓚所殺故常山相
孫瑾椽張逸張瓚等忠義奮發相與就虞罵瓚極
口然後同死

戴就

戴就字京成仕會稽郡倉曹掾揚州刺史歐陽參
奏太守成公浮賊罪遣部從事薛安按倉庫簿領
收就於錢塘縣獄幽囚考掠五毒參至就慷慨直
辭色不變容又燒鋸斧使就挾於肘腋就語獄卒
可熱燒斧勿令冷肉焦毀墮地者掇而食之主者
窮竭酷慘無復餘方乃臥就覆船下以馬通薰之
一夜二日皆謂已死發船視之就方張眼大罵曰
何不益火而使滅絕又復燒地以大鍼刺指爪中

使以把土爪悉墮落主者以狀白安安呼見就謂
曰太守罪穢狼藉受命考實君何故以骨肉拒扞
就據地答言太守剖符大臣當以死報國卿雖啣
命固宜申斷冤毒奈何誣枉忠良強相掠理令臣
謗其君子證其父薛安庸駭忸行無義就考死之
日當白于天與羣鬼殺汝于亭中如蒙生全當手
刃相裂安深奇其壯節卽解械更與美談表其言
辭解釋郡事徵浮還京師免歸鄉里太守劉寵舉
就孝廉光祿主事病卒

牽招

牽招字子經安平觀津人也年十餘歲詣同縣樂
隱受學後隱爲車騎將軍何苗長史招隨卒業值
京師亂苗隱見害招俱與隱門生史路等觸蹈鋒
刃共殞斂隱屍送喪還歸道遇寇鈔路等皆悉散
走賊欲斫棺取釘招垂淚請赦賊義之乃釋而去
由此顯名袁紹辟爲督軍從事

卷之十五

四六

沮授

表紹與魏太祖操於官渡戰敗紹與子譚單騎退
渡河沮授不及紹渡爲人所執詣太祖授大呼曰
授不降也爲軍所執太祖與之有舊逆謂授曰分
野殊異遂用圯絕不圖今日乃相禽也授對曰冀
州失策以敗奔北授智力俱困宜其見禽耳太祖
曰本初無謀不用君計今喪亂過紀國家未定當
相與圖之授曰叔父母弟縣命袁氏若蒙公靈速
死爲福太祖嘆曰孤早相得天下不足慮太祖厚

待之後謀還袁氏見殺

王朗

王朗少與沛國名士劉陽交友陽爲菖令年未三十而卒故後世鮮聞初陽以漢室漸衰知太祖有雄才恐爲漢累意欲除之而事不會及太祖貴求其嗣子甚急其子惶窘走伏無所陽親舊雖多莫敢藏者朗乃納受積年及從會稽還又數開解大祖久乃赦之陽門戶由是得全

耶人死之謂阿氏由是部全

平諸國之陳安祿年久於會亦無入建國

其子所建國其子所建國其子所建國其子所建國

其子所建國其子所建國其子所建國其子所建國

其子所建國其子所建國其子所建國其子所建國

其子所建國其子所建國其子所建國其子所建國

其子所建國其子所建國其子所建國其子所建國

郭憲

郭憲字幼簡曹操時爲郡功曹以仁篤爲一郡所歸韓約失衆從羗中還依憲衆人所多欲取約以徼功憲責怒之言人窮來歸我云何欲危之遂擁護厚遇之其後約病死而田樂陽達等就斬約頭當送之達等欲條疏憲名憲不肯在名中言我尚不肯生圖之豈忍取死人以要功乎達等乃止時曹操方攻漢中在武都而達等送約頭到操宿聞憲名及視條疏怪不在中以問達等達具以情對

操歎其志義乃并表列與達等並賜爵關內侯由
是名震隴右

邴原

邴原字根矩少與管寧俱以操尚稱州府辟命皆不就遂至遼東與同郡劉政俱有勇畧雄氣遼東太府公孫度畏惡欲殺之盡收捕其家政得脫度告諸縣敢有藏政者與同罪政窘急往投原原匿之月餘時東萊太史慈當歸原因以政付之旣而謂度曰將軍前日欲殺劉政以其爲已害今政已去君之不除之度曰然原曰君之畏政者以其有智也今政已免智將用矣尚奚拘政之家不

若赦之無重怨度乃出之原又資送政家皆得返
故郡後歸曹操辟爲司空掾

梁習

梁習字子虞與王思俱爲西曹令史因直日白事
失曹操指操大怒敎召主者將加重辟時思近出
習代往對已被收執思乃馳還自陳已罪罪應受
死操歎習之不言思之識分曰何意吾軍中有二
義士乎

卷之十五
五十一
關雲長

曹操壯關羽之爲人而察其無畱意使張遼以其
情問之羽嘆曰吾極知曹公待我厚然吾受劉將
軍恩誓以死報不可背之要當立效以報曹公乃
去耳及殺顏良操知其必去重加賞賜羽盡封其
所賜拜書告辭而奔劉備于袁軍

袁渙

袁渙字曜卿劉備爲豫州舉渙茂才後避地江淮
爲袁術所命召布擊術于阜陵渙往從之遂復爲
布所拘畱布初與劉備和親後離隙布欲使渙作
書詈辱備渙不可再三強之不許布大怒以兵脅
渙曰爲之則生不爲則死渙顏色不變笑而應曰
渙聞唯德可以辱人不聞以罵使彼固君子邪且
不耻將軍之言彼誠小人邪將復將軍之意則辱
在此不在于彼且渙他日之事劉將軍猶今日之

事將軍也如一旦去此復罵將軍可乎布慙而止
後布破渙歸曹氏有傳劉備死者羣臣皆賀渙以
嘗爲備舉吏獨不賀

鴻苞集卷之十六

明東海屠 隆緯真著

西吳茅元儀公選訂

松陵李嘉言孔彰校

韓珩

袁熙爲其將焦觸張南所攻與尚俱奔遼西烏桓
觸自號幽州刺史驅率守令背袁向曹陳兵數萬
殺白馬而盟令曰敢違者斬衆莫敢仰視各以次
歃血別駕韓珩曰吾受袁公父子厚恩今其破亡

智不能救勇不能死於義闕矣乃若北面曹氏所
不能爲也一坐失色觸曰夫舉大事者當立大義
事之濟否不待一人可卒珩志以厲事君乃捨之

脂習

曹操殺孔融京兆脂習與融善每戒融剛直太過
必罹世患及融死許下莫敢收者習往撫尸曰文
舉舍我死吾何用生爲操收習欲殺之旣而赦之

吳範

吳範字文則孫權時拜爲騎都尉範素與魏滕同
邑相善滕嘗有罪孫權責怒甚嚴敢有諫者死範
謂滕曰死而無益何用死爲範曰安能慮此坐觀
汝耶乃髡頭自縛詣門下使鈴下以聞鈴下不敢
曰必死不敢白範曰汝有子耶曰有曰使汝爲吳
範死子以屬我鈴下曰諾乃排閤入言未卒權大
怒欲使投以戟逡巡走出範因突入叩頭流血言
與涕並良久權意釋乃免滕滕見範謝曰父母能

生長我不能免我于死丈夫相知如汝足矣何用
多爲

張紘

張紘字子綱初遊學京師時琅邪趙昱爲廣陵太守察紘孝廉昱後爲笮融所殺紘甚傷憤而力不能討昱門戶絕滅及紘爲會稽東部都尉遣主簿至琅邪設祭并求親戚爲之後以書屬琅邪相臧宣宣以趙宗中五歲男奉昱祀吳孫權聞之加以紘爲長史

陸瑁

陸瑁字子璋吳孫權丞相陸遜弟也少好學篤義
陳國陳融陳畱濮陽逸沛郡蔣纂廣陵袁迪等皆
單貧有志就瑁游處瑁割少分甘與同豐約及同
郡徐元爰居會稽素不相識臨死遺書託以孤弱
瑁爲起立墳墓收導其子瑁從父續早亡二男一
女皆數歲以還瑁迎攝養至長乃別

山孤道

與同轉

卷

謝淵

謝淵字休德少修操躬秉耒耜旣無感容又不易
慮由是知名吳主孫權時舉孝廉稍遷建武將軍
雖在戎旅猶垂意人物駱統子名秀被門廷之謗
衆論狐疑莫能證明淵聞之嘆息曰公諸早夭同
盟所哀聞其子志行明辨而被闇昧之謗望諸夫
子烈然高斷而各懷遲疑非所望也秀卒見明無
復瑕玷終爲顯士淵之力也

...

...

...

...

...

...

...

楊阜

馬超率羌胡擊隴上諸郡冀城刺史韋康力竭迎
降超入城遂殺康等叅涼州軍事楊阜往見外兄
姜敘及敘母歔歔悲甚敘曰何爲乃爾阜曰守城
不能完君亡不能死亦何面目以視息於天下敘
母慨然曰咄伯奕韋使君遇難亦汝之負豈獨義
山哉敘乃與趙昂尹奉合謀時超已取昂子月爲
質昂謂妻異曰吾謀如是當柰何異厲聲曰雪君
父之大耻喪元不足爲重况一子哉九月阜與敘

昂奉討超超出戰梁寬趙衢閉門殺超妻子超襲
歷城得敘母并趙月皆殺之與阜戰敗奔漢中

向雄

司馬昭旣誅鍾會會功曹向雄收葬會尸昭召而責之曰往者王經之死卿哭于東市而我不問今會爲叛逆又輒收葬若復相容如王法何雄曰昔先王掩骼埋胔仁流朽骨當時豈卜其功罪而後收葬哉今王誅旣加於法已備雄感義收葬教亦無闕法立于上教弘于下以此訓物不亦可乎昭悅而遣之

卷之十六
劉佑

劉佑武帝時爲長沙王義掾武帝崩東海王越懼
難作遂誅義將殯于城東官屬莫敢往佑獨送之
步持喪車悲號斷絕哀感路人張方以其義士不
之間也

馬隆

馬隆字季興少而智勇好立名節武帝時魏兖州刺史令狐愚坐事伏誅舉州無敢收者隆以武吏託稱愚客以私財殯葬服喪三年列植松柏一州以爲美談

何攀

何攀字惠興蜀郡郫人也武帝時仕州爲主簿屬
刺史皇甫晏爲牙門張弘所害誣以大逆時攀適
丁母喪遂詣梁州拜表證晏不反故晏寃理得申

孫拯

宦人孟玖譖陸機於成都王穎曰機有二心於長沙穎大怒使收機并弟雲及司馬孫拯殺機雲夷三族獄吏掠拯數百兩踝骨見終言機冤吏知拯義烈謂曰二陸之枉誰不知之君何不愛身乎拯仰天嘆曰陸君兄弟世之奇才吾蒙知愛今旣不能救其死忍復從而誣之乎玖等令獄吏詐爲拯辭亦夷三族拯門人費慈宰意詣獄明拯冤拯譬遣之曰吾義不負二陸死自吾分卿何爲爾耶曰

君既不負一陸僕又安可負君固言拯冤玖又殺之

江統

晉太子遹頗闕朝覲又奢費過度多諸禁忌惠帝時江統上書諫朝廷善之太子廢徙許昌賈后諷有司不聽宮臣追送統等冒禁至伊水拜辭道左悲泣流漣都官從事悉收統等付河南洛陽獄付郡者河南尹樂廣悉散遣之繫洛陽者猶未釋都官從事孫琰說賈謐曰所以廢徙太子以爲惡故其臣冒罪泣辭不顧重辟乃彰太子之德不如釋之由是皆免

陶侃

陶侃字士行惠帝時廬江太守張夔召爲督郵夔妻有疾將迎醫于數百里時正寒雪諸綱紀皆難之侃獨曰資于事父以事君小君猶母也安有父母之疾而不盡心乎

俞縱

蘇峻犯闕桓彝聞京師不守進屯涇縣裨惠勸彝
與峻通使以紓交至之禍彝曰吾受國厚恩義在
致死焉能忍耻與逆賊通問如其不濟此則命也
彝遣將軍俞縱守蘭石韓晃攻之將敗左右勸退
軍縱曰吾受桓侯恩厚當以死報吾之不可負桓
侯猶桓侯之未負國也遂力戰而死

軍繇曰吾受師矣恩厚當以吾人告之不可負且
焚毀其軍繇曰蘭不韓吳文之其姐式式憐其
姪及黑詣恐其與並姐問收其不齊此順命也
與劉敵射以孫交至之師繇曰吾受國厚恩美其
蘇劉外聞其氣聞京相不守其申劉縯縣惠憐其

王安

程遐言于石勒曰天下初定當顯明順逆今祖約
猶存臣竊惑之勒族誅之初祖逖有胡奴曰王安
甚愛之在雍丘謂曰石勒是汝種類厚資遣之安
仕趙爲左衛將軍及約誅安嘆曰豈可使祖士雅
無後乎乃往觀刑竊取逖庶子道重匿之及石氏
亡復歸江南

羅企生

殷仲堪與桓玄戰敗亡奔鄢城文武無從者惟叅
軍羅企生從之路經家門其弟遵生曰作如此分
離何可不一執手企生旋馬授手遵生牽下之曰
家有老母去將何之企生揮涕曰今日之事我必
死之汝等奉養不失子道一門之中有忠與孝亦
復何恨遵生抱之愈急遂不得去及玄至荊州士
人無不詣玄者企生獨不往而營理仲堪家事玄
遣人謂曰若謝我當釋汝企生曰吾爲殷荊州吏

荆州敗不能救尚何謝爲玄乃收之復問欲何言
企生曰從公乞一弟以養老母玄乃殺企生而赦
其弟

朱綽

初袁真殺梁國內史朱憲憲弟綽奔桓溫溫克壽陽綽發真棺戮其尸溫怒將殺之桓冲請而免之綽事冲如父冲薨綽嘔血而卒及綽子齡石爲劉裕參軍從至江乘將與桓玄戰齡石請曰世受桓氏厚恩不欲以兵刃相向請在軍後裕義而許之

華軼

華軼在江州愍帝時洛京尚存不能祇承元帝敎命尋洛都不守元帝承制改易長吏華軼又不從命於是遣王敦等討之軼衆潰奔于安城追斬之及其五子初廣陵高惔寓居江州辟爲西曹掾尋而軼敗惔藏匿軼二子及妻崎嶇經年旣而遇赦惔攜之出首帝嘉之宥之

野洲文出洋而最之陳文

四部類野洲文類二十卷其間學堂在通志

入其正于時與刻高野洲以爲此洲學

神文曼印王好善結之補製卷之十

卷之十卷之十卷之十卷之十卷之十

卷之十卷之十卷之十卷之十卷之十

孔祇

孔祇字承祖元帝時太守周禮命爲功曹吏禮爲
沈充所害故人賓吏莫敢近者祇親行殯禮送喪
還義興時人義之

荀闔

荀闔字道明有名稱京都爲之語曰洛中英英荀
道明大司馬齊王冏辟爲掾冏敗暴尸已二日莫
敢收葬闔與冏故吏李述嵇含等露板請葬朝議
聽之論者稱焉明帝時遷侍中尚書封射陽公

高允

魏主使崔浩高允其謨國記著作令史閔湛郝標
性巧佞勸浩刊所謨國史于石以彰直筆浩乃刊
石立於郊壇東方百步所書魏之先世事皆詳實
列於衢路北人無不忿恚相與譖浩以爲暴揚國
惡魏主大怒使有司按浩罪狀魏主使高允授太
子經及崔浩被收太子召允謂曰吾自導卿至尊
有問但依吾語太子入言高允小心縝密且制由
崔浩請赦其死魏主問曰國書皆浩所爲乎對曰

太祖記前著作郎鄧淵所爲先帝記及今記臣與
浩共爲之然浩所爲事多總裁而已至于著述臣
多于浩魏主怒曰允罪甚于浩何以得生太子懼
曰天威嚴重允小臣迷亂失次耳臣鄉問皆云浩
所爲魏主問信如東宮所言乎對曰臣罪當族滅
不敢虛妄殿下哀臣欲勾其生耳魏主顧謂太子
曰直哉此人情所難而允能爲之臨死不易辭信
也爲臣不欺君貞也宜特除其罪以旌之遂赦之
它日太子讓允曰吾欲爲卿脫死而卿終不從激

怒帝如此每念之使人心悸先曰臣與浩實同其事死生榮辱義無獨殊誠荷殿下再造之慈違心苟免非臣所願也太子動容稱嘆先是河東公翟黑子受絹事覺謀于先先教以勿欺黑子竟欺妄被誅至是謂人曰我所以不奉東宮指導者恐負翟黑子也

聖訓

聖訓是長壽人曰壽長人不死

聖訓是長壽人曰壽長人不死

聖訓是長壽人曰壽長人不死

聖訓是長壽人曰壽長人不死

聖訓是長壽人曰壽長人不死

謝弘微

謝弘微叔父混晉安帝時以劉毅黨見誅混妻晉陵公主改適琅邪王練公主雖執意不行而詔與謝氏離絕公主以混家事委之弘微混仍世宰相一門兩封田業十餘處僮役千人唯有二女年並數歲弘微經紀生業事若在公一錢尺帛出入皆有文簿

何無忌

何無忌少有大志忠亮任氣會稽世子元顯子彥
章封東海王以無忌爲國中尉及桓玄害彥章於
市無忌入市慟哭而出時人義焉

邊榮程邕之

張敬兒襲破江陵沈攸之軍潰縊死初荊州叅軍
邊榮爲府錄事所辱攸之爲榮鞭殺錄事及敬兒
將至榮爲畱府司馬或說之降榮曰受沈公厚恩
如此一朝緩急便易本心吾不能也城潰軍士執
以見張敬兒敬兒曰邊公何不早來榮曰沈公見
畱守城不忍委棄本不祈生何須見問敬兒曰死
何難得命斬之榮權笑而去榮客程邕之抱榮曰
與邊公周游不忍見其死乞先見殺兵人以告敬

見曰求死甚易何爲不許乃先殺邕之而及榮軍
人莫不垂泣

韓階

韓階性廉謹篤慎爲閭里所敬愛刺史譙王承辟
爲議曹祭酒轉西曹書佐及承爲魏人所執送武
昌階與武延等同心隨從在承左右桓雄被害之
後二人執志愈固及承遇禍階延親營殯歛送柩
還都朝夕哭奠俱葬畢乃還

蘇清民人哭吳其家事其數

父二人持志食固其承其節曾與縣令感其

州與方張華同以劉封奔承其節曾與縣令感其

州與方張華同以劉封奔承其節曾與縣令感其

州與方張華同以劉封奔承其節曾與縣令感其

州與方張華同以劉封奔承其節曾與縣令感其

石崇

劉輿兄弟少時爲王愷所嫉愷召之宿因欲坑之
石崇素與輿等善聞當有變夜馳詣愷問二劉所
在愷迫卒不得隱崇竟進于後齋牽出同車而去
語曰年少何以輕就人宿輿深德之

釋曇遷

釋曇遷與范蔚宗王曇首遊款後蔚宗被誅門有
十二喪交知無敢近者曇遷抽貨衣物悉營葬送
宋孝武語徐爰曰卿著宋書勿遺此士

呼延平

燕王慕容超字祖明德兄北海王慕容納之子符
堅破鄴以納爲廣武太守數歲去官家于張掖德
之南征畱金刀而去及垂起兵山東符昌收納及
德諸子皆誅之納母公孫氏以老獲免納妻段氏
方娠未決囚之于郡獄獄掾呼延平德之故吏也
嘗有死罪免之至是將公孫及段氏逃于羗中而
生超焉年十歲而公孫氏卒臨終授超以金刀曰
若天下太平汝等東歸可以此刀還汝叔也平又

將超母子奔于呂光及呂隆降于姚興超又隨涼
州人徙于長安超母謂超曰吾母子全濟呼延氏
力平今雖死吾欲爲汝納其女以荅厚恩於是娶
之

張進之

張進之宋武帝時家世富足經荒年散財救贍鄉里遂以貧罄全濟者甚多太守王味之有罪當見收逃避進之家供奉經時盡其誠力味之嘗避地墮水沈沒進之投水拯相與沈淪久而得免時劫掠充斥每入村抄暴至進之門輒相約勒不得侵犯其信義所感如此宋文帝元嘉初詔蠲其徭役

段宏

宋武帝遣右將軍朱齡石代劉義真鎮關中使義
真疾歸諸將競歛貨財方軌徐行建威將軍傅弘
之曰虜騎若至何以待之賊追兵果至至青泥大
敗義真獨逃草中中參軍段宏單騎追尋義真識
其聲曰君非段中兵耶身在此行矣必不兩全可
刎身頭以南使家公望絕宏泣曰死生共之下官
不忍乃束義真於背單馬而歸義真謂宏曰丈夫
不經此何以知艱難

北平府志

卷之六

北平府志

北平府志

北平府志

北平府志

北平府志

北平府志

謝方明

謝方明少孤隨伯父吳興太守邈在郡宋武帝時
孫恩入會稽東土諸郡響應吳興人胡桀郛騾破
東遷縣方明勸邈避之不從賊至邈被害方明逃
免時亂後吉凶禮廢方明闔門遇禍資產無遺而
管舉凶功盡力數月葬送並畢平世備禮無以加
也頃之孫恩重陷會稽因購方明甚急方明於上
虞載母妹奔東陽由黃蘗嶠出鄱陽附載還都寄
居國子學流離險厄屯苦備經而貞履之操在約

莫嗣祖

莫嗣祖者宋孝武時爲袁粲省事粲常所委信與
劉彥節等宜密謀及齊高帝卽位粲被誅帝問嗣
祖曰汝知袁粲謀逆何不啓嗣祖曰小人無識曲
蒙袁公厚恩實不忍負今日就死分甘官若賜性
命亦不忍背粲而獨生也戴僧靜勸殺之帝曰彼
各爲其主遂赦焉用爲省事梁豫章王直新出閣
中用嗣祖爲師

蔡興宗

蔡興宗少好學以德業見稱宋孝武踐祚累遷尚書吏部侍郎竟陵王誕據廣陵爲逆事平興宗慰勞廣陵州別駕范羲與興宗素善在城同誅興宗至躬自收殮致喪還豫章舊墓上聞謂曰卿何敢故爾觸網興宗抗言荅曰陛下自殺賊臣自葬故人旣犯嚴制政當甘于斧鉞耳帝有慚色

王份

王份字季文仕宋順帝時爲始安內史袁粲之誅
親故無敢視者份獨往致勸由是顯名

吳達之

吳達之義與人嫂亡無以葬自賣爲十夫客以營
塚槨從祖弟敬伯夫妻荒年被畧賣江北達之有
田十畝貨以贖之與同財共宅郡命爲主簿固以
讓兄又讓世舊田與族弟弟亦不受田遂閑廢齊
高帝建元三年詔表門閭

卷之十六
許明達

許明達者汝南人也齊武帝永明中王奐爲雍州
刺史遣軍王朱公恩征蠻失利奐先與寧蠻長史
劉興祖不睦因殺興祖上聞之大怒遂以誅奐
旣誅故舊無敢至者明達先爲魚叅軍躬爲殯斂
甚厚當時高其節

孔琇之

孔琇之有吏能齊武帝時拜爲吳興郡太守政稱清嚴及明帝輔政防備諸藩致密旨於上佐使便宜從事齊鬱林王隆昌元年遷孔琇之晉熙王冠軍長史江夏內史行郢州事欲令殺晉熙琇之辭不許欲自引決友人陸閑諫之琇之不從遂不食而死

庾黔婁

庾黔婁字子真齊明帝時爲益州刺史鄧元起表
爲府長史巴西梓潼二郡太守及成都平城中珍
寶山積元起悉分與僚佐唯黔婁一無所取元起
惡其異衆厲聲曰長史何獨高黔婁示不違之請
書數篋尋除蜀郡太守在職清素百姓便之元起
死于蜀郡部曲皆散黔婁身營殯歛攜持喪柩歸
鄉里東宮建以中軍記室叅軍侍皇太子讀甚見
知重詔與太子中庶子殷鈞中書舍人到洽國子

博士明山賓遞日爲太子講五經義遷散騎侍中

卒

李大亮

初大亮爲賊所獲賊帥張弼見而釋之及大亮貴
求弼弼爲將作丞自匿不言大亮遇諸途而識之
持弼而泣以家貲遺弼不受言于上乞悉以官爵
授之上爲之擢弼爲中郎將時人皆言大亮不負
恩而多弼之不伐也

卷之十六
三四
吳保安

郭仲翔宰相元振猶子也從姚州都督李蒙討南
蠻戰敗沒入蠻中友人吳保安棄妻子傾家貲得
絹二百疋經營十年積絹七百妻子至行乞于路
義聲聞于姚州都督楊安居又助之往蠻中竟贖
仲翔而歸

王方翼

涼州刺史趙持滿多力善射其舅長孫銓長孫無忌之族弟也無忌誅銓坐無忌流雋州敬宗恐持滿作難誣以同反召至下獄訊掠備至終無異辭曰身可殺也辭不可更吏乃代爲獄辭結奏誅之尸於城西親戚莫敢視友人王方翼收而葬之上聞之不罪也

恭服時

忌

歲

日

宋璟

張易之張昌宗譖魏元忠于太后言太后老矣不若挾太子爲久長太后怒下元忠獄昌宗密引鳳閣舍人張說賂以美官使證元忠說許之太后召說入宋璟謂曰名義至重鬼神難欺不可黨邪害正若獲罪流竄其榮多矣若事有不測璟當叩閣力爭與子同死努力爲之萬代瞻仰在此舉也侍御史張廷珪曰朝聞道夕死可矣左史劉知幾曰無汗青史爲子孫累及入太后問之說未對昌宗

從旁迫趣說使速言說曰陛下視之在陛下前猶迫臣如是況在外乎臣實不聞元忠有是言他日又引問說對如前竟貶元忠高安尉流說領表侍御史王睢復申理元忠宋璟謂之曰魏公幸已獲全今子復冒威怒得無狼狽乎睢曰魏公以忠獲罪睢爲義所激顛沛無恨太子僕崔貞慎等八人餞元忠於郊外易之詐爲狀稱貞慎等與元忠謀反太后使監察御史馬懷素鞠之懷素曰昔樂布奏事彭越頭下漢祖不以爲罪況元忠之刑未如

彭越而陛下欲誅其送者乎太后意解

李攜

新與王晉坐太平公主逆黨伏誅僚吏皆奔散惟
司功李攜步從不失在官之禮乃哭其尸姚元之
曰樂布之儔也擢爲尚書

狄仁傑

狄仁傑爲并州法曹同僚鄭崇質當使絕域崇質
母老且病仁傑曰彼母如此豈可使之有萬里之
憂詣長史蘭仁基請代行仁基素與司馬李孝廉
不協因相謂曰吾輩豈可不自媿乎遂相與輯睦

裴冕

京兆尹王鉷既誅賓佐莫敢窺其門獨采訪判官
裴冕收其尸葬之

荀巨伯

荀巨伯遠省友人疾值胡賊攻郡巨伯不忍去賊至謂巨伯曰大軍至一郡並空汝何男子敢獨止此巨伯曰有友人疾不忍委之寧以我身代友之命賊知其義命旋軍而還

顏杲明

顏杲卿子杲明爲史思明所虜得歸求其父尸於
東京得之遂并袁履謙尸棺斂以歸遇父時將吏
流落者皆與之歸凡五十餘家均減資糧一如親
戚袁履謙妻疑履謙衣衾儉薄發棺眎之與杲卿
無異乃始慙服

古押牙

古押牙名洪設奇計爲王仙客取劉無雙于皇陵
中自刎而死

陽城

太學生薛約師事司業陽城坐言事徙連州城送
之郊外坐貶道州刺史

徐晦

中丞李夷簡彈京兆尹楊憑貶臨賀尉憑親友無
敢送者櫟陽尉徐晦獨至藍田與別權德輿謂之
曰君送楊臨賀誠爲厚矣無乃爲累乎對曰晦自
布衣蒙楊公知獎今日遠謫豈得不與之別借如
明公他日爲讒人所逐晦敢自同路人乎德輿嗟
嘆稱之于朝李夷簡奏爲監察御史謂之曰君不
負楊臨賀肯負國乎

卷之十六
四
柳宗元

王叔文之黨皆爲遠州刺史柳宗元得柳州劉禹
錫得播州宗元曰播州非人所居而夢得親在堂
萬無母子俱往理請于朝欲以柳易播禹錫得改

連州

薛昭

薛昭唐元和未爲平陸尉以氣義自喜嘗慕李北海郭代之爲人因夜直宿有爲母復仇殺人者與金而逸之縣聞於廉使廉使奏之坐謫爲民于海康勅下之日不問家產但荷銀鐺而去田山叟者或云數百歲人與昭厚乃齎酒道上飲餞之曰君義夫也脫人之禍而自當之真荆聶之儔也與之携手出東郊與之藥一粒曰非惟去疾兼能去食田山叟卽申天師元

山陰縣志卷之十六

山陰縣志卷之十六

山陰縣志卷之十六

山陰縣志卷之十六

山陰縣志卷之十六

山陰縣志卷之十六

山陰縣志卷之十六

山陰縣志卷之十六

王回

鄒浩將論事以告其友宗正寺簿王回回曰事有大於此者乎子雖有親然移孝爲忠亦太夫人素志也及浩南遷人莫敢顧回歛交遊錢與浩治裝往來經理且慰安其母邏者以聞逮詣詔獄衆爲之懼回居之晏如御史詰之回曰實當預謀不敢欺也獄上除名臨發回卽徒步出都門行數十里其子追及問以家事不荅

沈忠

元人克潭州知州李芾召帳下沈忠遺之金曰吾力竭分當死吾家人不可辱于俘汝盡殺之而後殺我忠伏地叩頭辭以不能芾固命之忠泣而諾取酒飲其家人盡醉乃徧刃芾亦引頸受刃忠縱火焚其居還家殺其妻子復至火所大慟舉身投地乃自刎

趙時賞

李恒襲文天祥于興國縣天祥出走京師潰于空
院趙時賞坐肩輿後元人問爲誰時賞曰我姓文
衆以爲天祥擒之天祥由是得逸去

劉子俊

張弘範襲執文天祥于五坡嶺劉子俊自詭爲天
祥冀可免天祥及執天祥至各爭真僞元人遂烹
子俊而執天祥

唐珏林德陽

唐珏字玉潛山陰人元世祖甲申年浮屠楊璉真
珈怙寵奉詔發宋帝諸陵寢至斷殘肢體焚其髑
骼棄草莽間珏具金酒邀里中少年取四郊暴骨
潛易而藏之斷文木爲匱複黃絹爲囊各署其表
曰某陵某陵浮屠肆虐陵骨亡恙又林德陽字景
曦當楊總統發陵時故爲杭丐者背竹籬手持竹
夾投籬中鑄銀作兩許小牌百十繫腰間取賄番
僧曰餘不敢望收其骨得高家孝家足矣番僧左

右之果得高孝兩朝骨爲兩函貯之歸葬東嘉

惠林縣志

杜環

杜環侍父一元宦遊父執主事常允恭死于九江家破母張氏年六十餘無所歸有憐其老告之曰安慶守譚敬先非允恭友乎盍往依之母如其言附舟詣譚譚謝不納母大困從人至金陵問一元家時一元死久矣惟子環存母服破衣雨行至環家環方對客坐見母太驚因問母非常夫人乎母泣告以故環亦泣扶就坐拜之妻馬氏解衣更母濕衣奉糜食母自環以下皆以母事之

楊榮

楊文敏榮從文廟北征蚤發凌霄峯公與學士胡廣金幼孜迷失路太宗命中官追尋得之時昏黑中官馳去公等復迷入窮谷中幼孜墜馬胡學士金侍郎不顧而去公下馬爲整鞍轡不數步幼孜復墜馬鞍盡裂公卽以所乘馬讓之自乘驛馬從夜至旦不勝疲勞翌日出山望見左掖乃趨赴之至午方詣中軍上大喜慰問良久嘉公之義公謝曰僚友之分誼所宜然上曰廣非僚友耶何不顧

而行也

康海

康海字德涵才名與李夢陽埒頗不相能以戶部尚書韓文劾劉瑾疏出夢陽手瑾下之獄將殺之夢陽婦弟左生云瑾之所不能致者康君康君可活乎夢陽曰吾與康君不相能今死而求救乎左生強之乃書片紙云德涵救我惟德涵爲能救我海見書遂往見瑾瑾大喜畱飲海大言曰昔高力士爲李白脫靴公能之否瑾笑曰請卽爲先生脫之海曰今李夢陽才高于白海何能爲役瑾曰夢

陽罪應死海曰公能活之吾畱不然卽去瑾諾海
遂解帶畱痛飲明日夢陽出獄而海乃坐瑾黨終
身廢不用





